

中华
百科
经典
全书

第十七卷目录

耒耜经 (四八〇九)

耒耜经 (四八〇九)

相牛经 (四八一〇)

牧牛说 (四八一〇)

陆龟蒙祝牛宫辞 (四八一〇)

相牛经洪迈跋 (四八一〇)

汜胜之书 (四八一〇)

耕田篇 (四八一〇)

收种篇 (四八一〇)

种谷篇 (四八一〇)

区种法篇 (四八一〇)

黍祭篇 (四八一〇)

大豆篇 (四八一〇)

小豆篇 (四八一〇)

麻子篇 (四八一〇)

种麻篇 (四八一〇)

大、小麦篇 (四八一〇)

种稻篇 (四八一〇)

种稗篇 (四八一〇)

种瓜篇 (四八一六)

种瓠篇 (四八一六)

种芋篇 (四八一七)

种桑篇 (四八一七)

杂篇上 (四八一七)

杂篇下 (四八一七)

花经 (四八一七)

芋经 (四八一七)

一之名 (四八一七)

二之食忌 (四八一七)

三之艺法 (四八一七)

四之事 (四八一七)

周髀算经 (四八一七)

周髀算经序 (四八一七)

周髀算经卷上 (四八一七)

周髀算经卷下 (四八一七)

孙子算经 (四八一七)

孙子算经原序 (四八一七)

孙子算经卷上 (四八一七)

孙子算经卷中	亩	(四八九三)
孙子算经卷下	九章名义	(四八九八)
海*岛算经	用字例义	(四九〇五)
五曹算经	辑古算经	(四九一一)
五曹算经卷一	上辑古算经表	(四九一一)
田曹	辑古算经	(四九一一)
五曹算经卷二	辑古算经跋	(四九一五)
兵曹	张邱建算经	(四九一五)
五曹算经卷三	张邱建算经序	(四九一八)
集曹	张邱建算经卷上	(四九一八)
五曹算经卷四	张邱建算经卷中	(四九二一)
仓曹	张邱建算经卷下	(四九二一)
五曹算经卷五	夏侯阳算经	(四九二四)
金曹	夏侯阳算经卷上	(四九二四)
算经	明乘除法	(四九二七)
大数	辩度量衡	(四九二七)
小数	言斛法不同	(四九二七)
度	课租庸调	(四九二七)
量	论步数不等	(四九二七)
衡	变米谷	(四九二七)
		(五〇〇一)

夏侯阳算经卷中……………(五〇〇二)

求地稅……………(五〇〇二)

分祿科……………(五〇〇三)

計給糧……………(五〇〇四)

定腳价……………(五〇〇五)

稱輕重……………(五〇〇七)

夏侯阳算经卷下……………(五〇〇八)

說諸分……………(五〇〇八)

漏刻经……………(五〇一五)

造孟法……………(五〇一五)

下漏法……………(五〇一五)

造筹法……………(五〇一六)

加減法……………(五〇一六)

授时历经……………(五〇一七)

授时历经步气朔第一……………(五〇一七)

授时历经步发斂第二……………(五〇一九)

授时历经步日躔第三……………(五〇二一)

授时历经步月离第四……………(五〇三二)

授时历经步中星第五……………(五〇三九)

授时历经步交会第六……………(五〇五二)

授时历经步五星第七……………(五〇五七)

交食经……………(五〇七二)

交食经卷上……………(五〇七二)

月食……………(五〇七二)

交食经卷下……………(五〇七九)

日食……………(五〇七九)

日食一贯歌……………(五〇八六)

月食一贯歌……………(五〇九二)

甘石星经……………(五〇九七)

甘石星经卷上……………(五〇九七)

甘石星经卷下……………(五一〇八)

望气经……………(五一二一)

开元占经节选……………(五一二二)

卷一 天地名体……………(五一二二)

天体浑宗……………(五一二二)

耒耜经

耒耜者，古圣人之作也。自乃粒以来至于今，生民赖之。有天下国家者，去此无有也。饱食安坐，曾不求命称之义，非扬予所谓如禽者邪？予在田野间，一日呼耕耜，就而数其目，恍若登农皇之庭，受播种之法。淳风泠泠，耸竖毛发。然后知圣人之旨趣，朴乎其深哉！孔子谓「吾不如老农」，信也！因书为《耒耜经》，以备遗忘，且无愧于食。

经曰：耒耜，农书之言也，民之习通谓之犁。冶金而为之者，曰犁铤（本作「铤」），曰犁壁；斫木而为之者，曰犁底，曰压铤，曰策额，曰犁箭，曰犁铧，曰犁梢，曰犁评（去声），曰犁建，曰犁槃。木与金凡十有一事。耕之土曰垝，垝犹块也。起其垝者，铤也；覆其垝者，壁也。草之生必布于垝，不覆之则无以绝其本根，故铤引而居下，壁偃而居上。铤表上利，壁形下圆。负铤者曰底，底切实于铤中，工谓之鑿肉。底之次曰压铤，背有二孔，系于压铤之两旁。铤之次曰策额，言其可以扞其壁也，皆弛然相戴。自策额达于犁底，纵而贯之，曰箭；前如桎而耨者，曰铧；后如柄而乔者，曰梢。铧有越，加箭可弛张焉。铧之上，又有如槽形，亦如箭焉，刻为级，前高而后库，所以进退，曰评。进之则箭下，入土也深；退之则箭上，入土也浅。以其上下类激射，故曰箭；以其浅深类可否，故曰评。评之上，曲而衡之者，曰建。建，键也，所以柅其铧与评。无是，则二物跃而出，箭不能止。横于铧之前末曰槃，言可转也。左右系以桎乎轭也。铧之后末曰稍，中在手，所以执耕者也。铧车之胸，稍取舟之尾，止于此乎！铤长一尺四寸，广六寸；壁广长皆尺，微椭（音堕）；底长四尺，广四寸；评、底过压铤二尺，策减压铤四寸，广狭与底洞。箭高三尺，评尺有三寸，槃增评尺七焉。建惟称绝。铧修九尺，稍得其半。铧至梢，中间掩四尺。犁之终始，丈有二。耕而后有爬（去声），渠疏之义也，散垝去芟者焉。爬而后有砺（音格）（音宅）焉，有碌碌（音鹿毒）焉。自爬至砺砺皆有齿，碌碌觚棱而已。咸以木为之，坚而重者良。江东之田器尽于是。耒耜经终焉。

相牛经

周·宁 戚撰

相牛经

牛岐胡寿（岐牵两服，下分为三），去角近，行驶眼欲得大，眼中有白脉贯瞳子，最快。颈骨长且大。驶壁堂欲得阔（郑段间也），倚欲得如绊马（聚而正也），膺庭欲得广（胃前），天关欲得成（背接骨），雋骨欲得垂（脊中央欲得下），兰株欲得大（尾株），丰岳欲得大（膝骨），种头欲得高，百体欲得紧，垂星欲得有怒肉（蹄上巴肉覆蹄间，名怒肉），力柱欲得大而成（当车骨也），悬蹄欲得如八字，阴虹属头（阴虹者，有双箸，自尾骨属头），阳盐欲得广（阳盐者，夹尾，体前，两胛上），常有声似鸣者，有黄也。洞胡无寿，珠渊无寿（旋毛当目下也），上池有乱毛，妨主，凶（上也，角中央也）。身欲得促，形欲得如卷，大胛疏肋难饱，龙头突目好跳。豪箸欲得成就（脚后横筋也），毛欲得短密，若长疏，不耐寒气。尾不用至地，尾毛少、骨多者有力。膝上肉欲得坚，角欲得细。鼻如镜，则难牵。口方易饱，獠府方易饱。木牛肚大、尾青，最有力。

牧牛说

古人有卧牛衣而待旦，则知牛之寒盖有衣矣。饭牛而牛肥，则知牛之馁盖啖以菽粟矣。衣以褐荐，饭以菽粟，古人岂重畜如此哉！以此为衣食之本故耳。此所谓时其饥饱，以识性情者也。每遇耕作之月，除已牧放，夜复饱饲。至五更初，乘日未出，天气凉而用之，则力倍于常，半日可胜一日之功。日高气喘，便令休息，勿竭其力，以致困乏。此南方昼耕之法也。若夫北方，陆地平远，牛皆夜耕，以避免热。夜半仍饲以刍豆，以助其力。至明耕毕则放去。此所谓节其作息，以养其血气也。今藁秸不足以充其饥，水浆不足以济其渴，冻之、曝之、瘠之、役之、劳之，又从而鞭笞之，则牛之毙者过半矣。饥欲得食，渴欲得饮，物之情也。至于役使困乏，气喘汗流，耕者急于就食，或放之山，或逐之水。牛困得水，动辄移时，毛窍空疏，因而乏食，以致疾病生焉。放之高山，筋力疲乏，颠蹶而僵仆者往往相

籍也。利其力，而伤其生，乌识其为爱养之道哉！牛之为病不一，其用药与人相似，但大为剂以饮之，无不愈者。便溺有血，伤于热也，以致便血之药治之；冷结，则鼻干而不喘，以发散药投之；热结，即鼻汗而喘，以解利药投之。其或天行疫病，率多薰蒸相染其气然也。爱之，则当离避地所，拔除沕音戾气而救药，或可偷生。传曰：「养备动时，则天下不能使之病。」畜牛之家诚能节适养护如前所云，则自无病。然有病而治，犹愈于不治。若夫医治之宜，则亦有说：《周礼》兽医掌疗兽病。凡疗兽病，灌而行之，以发其恶，然后药之，其来尚矣。今诸处自有兽医，相病用药，不必预陈方药，恐多差误也。

陆龟蒙祝牛宫辞

冬十月，耕牛违寒，筑宫纳而皂之建之。前日老农请乞灵于土官，以从乡教。余勉之，而为之辞曰：四时三牝，中一去乳。天霜降寒，纳此室处。老农拘拘，度地不亩。东西几何，七举其武。南北几何，丈二加五。偶盭当间，载尺入土。太岁在亥，余不足数。上缔蓬茅，下远官府。耕耨以时，饮食得所。或寝或讹，免风免雨。宜尔子孙，实我仓庾。

相牛经洪迈跋

《庄子》载徐无鬼见魏武侯，告之以相狗马。《荀子》论坚白同异云：「曾不如好相鸡、狗之可以为名也。」《史记》褚先生生于日者传后云：「黄直，丈夫也。陈君夫，妇人也，以相马立名天下，留长孺以相豕立名，荣阳褚氏以相牛立名，皆有高世绝人之风。今时相马者间有之，相牛者殆绝，所谓鸡、狗、豕者，不复闻之矣。」刘向《七略》《相六畜》三十八卷，谓骨法之度数，今无一存。

汜胜之书

· 汉·汜胜之撰

耕田篇

凡耕之本，在于趣时和土。务粪泽，早锄获春冻解，地气始通土，一和。解夏至天气始暑，阴气始盛，土复解。夏至后九十日，昼夜分，天气和。以此时耕田，一而当五，名曰膏泽，皆得时功。春，地气通，可耕坚硬强地。黑垆土辄平摩其块以生草，草生复耕之。天有小雨，复耕和之，勿令有块，以待时，所谓强土而弱之也。春候地气始通，楸椹木柈尺二寸，埋尺见其二寸。立春后土块散，上没楸，陈根可拔，此时二十日以后，和气即土刚，以此时耕，一而当四。和气去，耕，四不当一。杏始华荣辄耕，轻土，弱土望杏花落复耕，耕辄藺之。草生有雨泽耕，重藺之。土甚轻者，以牛羊踐之，如此则土强，此谓弱土而强之也。春气未通，则土历适不保泽，终岁不宜稼，非粪不解，慎无旱耕，须草生至可种时，有雨即种。土相亲，苗独生，草秽烂，皆成良田，此一耕而当五也。不如此而旱耕，块硬苗秽，同孔出不可锄治，反为败田。秋无雨而耕，绝上气，土坚埴，名曰腊田。及盛冬耕，汇奶气，土枯燥，名曰脯田。脯田与脂田皆伤田。二岁不起稼，则一岁休之。凡种时，五月耕，一当三；六月耕，一当再；若七月耕，五不当一。冬雨雪止，辄以藺之，掩地雪，勿使从风飞去。后雪复藺之，则立春保泽，冻虫死，来年宜稼。得时之和，适地之宜，田虽薄恶，收可亩十石。

收种篇

牵马令就谷堆食数口，以马踐过为种。无蚜蚋、厌蚜蚋等虫也。种伤温郁，热则生虫也。取麦种候熟，可获择穗大强者，斩束立声中之高燥处曝，使极燥无令有白鱼，有辄扬治之。取干艾杂藏之，麦一石，艾一把，藏以瓦器、竹器，顺时种之，则收常倍。取禾种择高大者，斩一节下把，悬高燥处，苗则不败。欲知岁所宜，以布囊盛粟待诸物，种平量之，埋阴地。冬至后五十日，发取量之息最多者，岁所宜也。

种谷篇

小豆忌卯，稻麻忌辰，禾忌丙，黍忌丑，秫忌寅未，小麦忌戌，大麦忌子，大豆忌申卯，凡九谷有忌日。种之躲避其忌，则多伤败，此非虚语也。其自然者烧黍稷则害瓠。

种禾无期，因地为时。三月榆莢时雨膏地强，可种禾。薄田不能粪者，以原蚕矢杂禾种之，则禾不虫。又取马骨挫一石，以水三石，煮之三沸，漉去滓，以汁渍附子五枚，三四日去附子，以汁和蚕矢、羊矢各等分，搅令洞洞如稠粥，先种二十日时，以溲种如麦饭状，常天旱燥时，溲之立干，薄布数绕，令易干，明日复溲，天阴雨则勿溲，六七溲而止，辄□谨藏，勿令复湿。至可种时，以余汁溲而种之，则禾稼不蝗。无马骨亦可用雪汁，雪汁者，五谷之精也，使稼耐旱。常以冬藏雪汁，器盛埋于地中。治种如此，则收常倍。

植禾，夏至后八十、九十日，常夜半候之天有霜，若白霜下一平明时，令两人持长索相对，各持一端以概禾中，去霜露，日出乃止。如此禾稼，五谷不伤矣。

区种法篇

汤有旱灾，伊尹作区田，教民粪种，负水浇稼。区田以粪气为美，非必须良田也。诸山林近邑，高危倾阪，及郛城上皆可为区田。区田不耕旁地，庶尽地力。凡区种不先治地，便荒地为之，以亩为率，令一亩之地长十八丈，广四丈八尺，当横分十八丈，作十五町，町间分为十四道，以通行人。道广一尺五寸，町皆广一尺五寸，长四丈八尺，尺横鉴町作沟，沟一尺，深亦一尺，积穰于沟间，相去亦一尺。尝悉以一尺地积穰不相受，令弘二尺地以积穰。种禾黍于沟间，夹沟为两行，去沟两边各二寸半，中央相去五寸，旁行相去亦五寸。一沟容四十四株，一亩合万五千七百五十株，种禾麦，令上一寸土，不可令过一寸，亦不可令减一寸。凡区种麦，令相去二寸，一行一沟容五十二株，一亩凡四万五千五百五十株，麦上令土厚二寸。凡区种大豆，令相去一尺一寸，一沟容九株，一亩凡六千四百八十株。区种荏，令相去三尺，胡麻相去一尺。区种天旱常溉之，一亩常收百斛。上农夫区方深各六寸，间相去九寸，一亩三千七百区，一日作千区，区种粟二十粒。美粪一升，合土和之，亩用种二升，秋收区别三升。粟亩收百斛。丁男长女治

十亩，十亩收千石，岁食三十六石，支二十六年。中农夫区方七寸，深六寸，相去二尺，一亩千二十七区，用种一升，收粟五十一石，一日作三百区。下农夫区方九寸，深六寸，相去二尺，一亩五百六十七区，用种粟六升，收二十八石，一日作二百区。区中草生芟之，区间草以划划之，若以锄锄，苗长不能耘之者，以钁镰比地刈其草矣。验美田至十九石，中田十三石，薄田一十石。尹泽壬枉骨汁、粪汁种种，挫马骨、牛、羊、猪、麋、鹿骨一斗，以雪汁三斗，煮之三沸，取汁以渍附子，率汁一斗，附子五枚，渍之五日，去附子，捣麋、鹿、羊矢，等分置汁中，熟搅和之。候晏温，又溲曝，状如后稷，法皆溲汁干乃止。若无骨煮，燥肾和溲如此，则以区种之大旱浇之，其收至亩百石以上，十倍于后稷。此言马蚕，皆虫之先也；及附子，令稼耐旱，终岁不失于获。获不可不速，常以急疾为务，芒张叶捷黄，获之无疑。获禾之法，熟过半断之。

黍祭篇

黍者，暑也。种必待暑，先夏至二十日，此时有雨，强土可种，黍亩三升。黍心未生，雨灌其心，心伤无实，黍心初生，畏天露，令两人对持长索概去其露，日出乃止。凡种黍覆土，锄治皆如禾法，欲疏于禾。

大豆篇

大豆保岁，易为宜，古之所以备凶年也。谨计家口数种大豆，率人五亩，此田之本也。三月榆莢时有雨，高田可种大豆。土和无块，亩五升，土不和则益之种大豆。夏至后二十日尚可种，戴甲而生，不作深耕。大豆须均而稀，豆花憎见日，见日则黄烂而根焦也。获豆之法，莢黑而茎苍则收，无疑，其实将落，反失之。故曰：豆熟于场。于场获豆，即青莢在上，黑莢在下。

区种大豆法，坎方、深各六寸，相去二尺一，亩得千六百八十株。其坎成，取美粪一升，合坎中土搅和，以内坎中，临种沃之。坎三升水，坎内豆三粒，覆上土勿厚，以掌抑之，令种与土相亲。一亩用种一升，用粪十六石八斗。豆生五六叶锄之，旱者溉之。坎三升水，丁夫一人可治五亩。至秋一亩中十六石，种之上土，才令蔽豆耳。

小豆篇

小豆不保岁，难得。樵黑时注雨种，亩一升豆，生布叶锄之，生五六叶又锄之。大豆、小豆不可尽治也。古所以不尽治者，豆生布叶，豆有膏，尽治之则伤膏，伤则不成。而民尽治，故其收耗折也。故曰：豆不可尽治。养美田亩可十石，以薄田尚可亩取五石。

麻子篇

种麻，预调和田，二月下旬、三月上旬傍雨种之。麻生布叶，锄之。率九尺一树，树高一尺，以蚕矢粪之，树三升。无蚕矢，以溷中熟粪粪之亦善，树一升。天旱，以流水浇之，树五升；无流水，曝井水杀其寒气以浇之。雨泽适时勿浇，浇不欲数。养麻如此，美田则亩五十石及百石，薄田尚三十石。获麻之法，霜下实成，速斫之，其树在者，以锯锯之。

种麻篇

种泉，春冻解，耕治其土。春草生，布粪田，复耕，平摩之。

种泉太早，则刚坚、厚皮、多节；晚则不坚。宁失于早，不失于晚。获麻之法，

穗勃勃如灰，拔之。夏至后二十日沤泉，沤泉和如丝。

大、小麦篇

凡田有六道，麦为首种种麦得时，无不善。夏至后七十日可种，宿麦早种，则虫而有节，晚种则穗小而少实。当种麦，若天旱载雨泽，则薄渍麦种，以酢浆并蚕矢，夜半渍，向晨速投之，令与白露俱下。酢浆令麦耐旱，蚕矢令麦防寒。麦生黄色，伤于太稠。稠者，锄而稀之。秋锄以棘柴，糝以壅麦根。故谚曰：子欲富，黄金覆。覆者，谓秋锄麦，曳柴壅麦根也。至春冻解，棘柴曳之，突绝其干叶，须麦生覆锄之。至榆莢时，注雨止，候土白背复锄，如此则收必倍。冬雨雪止，以物辄藺麦，上掩其雪。勿令从风飞去，后雪复如此，则麦耐旱多实。春冻解，耕如土种旋麦。麦生根茂盛莽锄宿麦。

区麦种：区大小如中农夫区，禾收，区种凡种一亩用子二升，覆土厚二寸，以足践之，令种土相亲。麦生，根成，锄区间秋草，缘以棘柴律土壅麦根。秋旱，则以桑落晓浇之，秋雨泽适，勿浇之。麦冻，解积柴律之，突绝其枯叶。区间草生锄之。大男大女治十亩，至五月收，区一亩得百石以上，十亩得千石以上。小麦忌戌，大麦忌子，除日不中种。

种 稻 篇

种稻，春冻解，耕反其土。种稻区不欲大，大则水深浅不适。冬至后一百一十日可种稻。稻地美，用种亩四升。始种稻欲湿，湿者缺其睦，令水道相直。夏至后太热，令水道错。

种 稗 篇

稗既堪水旱，种无不熟之时。又特滋茂盛，易生芜秽，良田亩得二三十斛，宜种之备凶年。稗中有米，熟捣取米，炊食之不减粟米，又可酿作酒。

种 瓜 篇

区种瓜一亩，为二十四科。区方圆三尺，深五寸。一科用一石粪，粪与土合和令相半。以三尺瓦壅埋著。科中央令壅口上与地平，盛水壅中，令满。种瓜，壅四面各一子，以瓦盖壅口，水或减增，常令水满。种常以冬至后九十日，百日得戊辰日种之。又种薤十根，令周回壅，居瓜子外。至五月瓜熟，薤可拔卖之，与瓜相避。又可种小豆于瓜中，亩四五升，其霍可卖。此法宜平地，瓜收亩万钱。

种 瓠 篇

种瓠法，以三月耕良田十亩作区，方、深一尺，以杵筑之，令可居泽。相支一步，区种四实。蚕矢一斗，与土粪合浇之，水二升，所干处复浇之。著三实，以马骹其心，勿令蔓延多实，实细以荐其下，无令亲土，多疮瘢，度可作瓢。以手摩其痒，从蒂至底，去其毛不，不复长，且厚。八月微霜下收取。掘地深一丈，荐以蒿，四边各厚一尺，以实置孔中，令底下句瓠一行覆上土厚二尺。二十日出，黄色好，破以为瓢。其中白肤以养猪，致肥；其瓣以作烛，

致明。一本三实，一区十二实，一亩得二千八百八十实，十亩凡五万七千六百瓢。瓢直十钱，并直五十七万六千文。用蚕矢二百石，牛耕功力直二万六千文，余有五十五万。肥猪、明烛利在其外。区种瓠法，收种子须大者，若先受一斗者，得疏一石；收一石者，得收十石。先掘地作坑，方、圆、深各三尺，用蚕沙与土相和，令中半，著坑中。足蹙令坚，以水沃之。候水尽，即下瓠子十颗，复以前粪覆之。既生长二尺余，便总聚十茎一处，以布缠之五寸许，复用泥泥之。不过数日，便合为一茎。留强者，余悉掐去。引蔓结子，子外之条亦掐去之，勿令蔓延。留子法，初生二三子不佳，去之。取第四五六区留三子即足。旱时须浇之，坑畔周围小渠子深四五寸，以水停之，令其遥润。不得坑中下水。

种芋篇

种芋区，方、深皆三尺，取豆萁内，区中足践之，厚尺五寸。区上湿，土与粪和之内区中，其上令厚二尺二寸，以水浇之，足践令保泽。取五芋子置四角及中央。足践之，旱数浇之。其烂芋生，子皆长三尺，一区收三石。又种芋法，宜择肥缓土近水处，和柔粪之。三月注雨，可种玉。旱则浇之，有草锄之，不厌数多。治芋如此，其收常倍。

种桑篇

种桑法，五月取椹著水中，即以手渍之，以水灌洗，取子阴干，治肥田四十亩，荒田久不耕者尤善，好耕治之。每亩以黍椹子各三升合种之。黍桑当俱生，锄之桑，令稀疏调，适黍熟获之，桑正与黍高平，因以利镰摩地刈之，曝令燥，后有风调，放火烧之，常逆风起火。桑至灰生，一亩食三箔蚕。

杂篇上

神农之教，虽有石城汤池，带甲百万，而无粟者，理以守也。夫谷命，实天下之命。卫尉前上蚕法，今上农事。人所忽略，故尉勤之，可谓忠国忧民之至。

杂篇下

吴王濞开茱萸沟通运，至海陵仓北有茱村，以村立名。故《史记》云：『邗沟即吴王夫差所开漕运，以通上国。』农事情，与其力相十倍。



花 经

宋·张翊撰

花 经

翊，世本长安，因乱南来。先主耀置上列，时邦西平昌令，卒。翊好学，多思致。尝戏造《花经》，以九品、九命升降次第之，时服其允当。

一品九命：

兰、牡丹、蜡梅、酴醾、紫风流（睡香，异名）。

二品八命：

琼花、蕙、岩桂、茉莉、含笑。

三品七命：

芍药、莲、檐葡、丁香、碧桃、垂丝海棠、千叶桃。

四品六命：

菊、杏、辛夷、豆蔻、后庭、忘忧、櫻桃、林禽、梅。

五品五命：

杨花、月红、梨花、千叶李、桃花、石榴。

六品四命：

聚八仙、金沙、实相、紫薇、凌霄、海棠。

七品三命：

散花、真珠、粉团、郁李、蔷薇、米囊、木瓜、山茶、迎春、玫瑰、金灯、木笔、金凰、夜合、踟躞、金钱、锦

带、石蟬。

八品二命：

杜鹃、大清、滴露、刺桐、木兰、鸡冠、锦被堆。

九品一命：

芙蓉、牵牛、木槿、葵、胡葵、鼓子、石竹、金莲。

芋，《说文》曰：「大叶实根骇人，故谓之芋。」徐锴曰：「芋犹吁，吁，惊辞也，故曰骇人。齐人谓之莒。」《孝经援神契》谓之莒芋。《广雅》谓之渠芋，叶谓之莢。载《广志》凡十四等，有曰君子芋，大如斗，魁如杵旅；有曰车轂芋；有曰锯子芋；有曰旁巨芋；有曰青边芋，此四芋是多子。有曰谈芋，魁大如瓶，小子，叶如散盖，绀色而紫茎，其长丈余，易熟，长是为芋之最善者。茎可作羹，臞肥涩，得饮乃下；有曰蔓芋，绿枝而生；有曰鸡子芋，色黄；有曰百果芋，魁大而子繁多，亩收百斛，种以百亩，叶以养彘；有曰旱芋，七月熟；有曰九面芋，大而不美；有曰象空芋，大而弱，使人易饥；有曰青芋，有素芋，子皆不可食。

唐本注云：「芋有六种：青芋细长毒多，初煮要须灰汁易水，熟乃堪食尔；白芋、圆芋、连禅芋、紫芋毒少，并正尔，蒸煮啖之，员白。连禅又可兼肉作羹。野芋大毒，不可啖也。」陶隐居谓之老芋，形叶相似，如一根，并杀人。垂死者饮以土浆粪汁，可活。《本草》谓之土芝，蜀谓之蹲鸱，《前汉》谓之芋魁，《后汉》谓之芋渠。叶俞县有百子芋，新郑有博士芋，蔓生而根如鹅鸭卵。今有南京芋，煮之可拈皮而食，甘滑异于它品。茅山有紫芋，吴郡所产，大者谓之芋头，旁生小者谓之芋姝，种之水田者为水芋。但《广雅》曰：「藉姑，水芋也，亦曰乌芋。」《本草》：「乌芋，一名水萍，一名槎牙，一名茨菰，一名兔茨。」《毗陵录》谓之燕尾草，以其叶如桎也。又名田酥，状如泽泻，不正似芋，根黄而小，恐自为一种，非土芝之水芋也。《吉安录》有干、湿二种，湿名水芋，干名黄芋，味差劣。《松志》：「苏之西境多水芋，以芋魁为旱芋，嘉定名之博罗。又有皮黄肉白，甘美可食，茎叶如扁豆而细，谓之香芋。又有引蔓开花，花落即生，名之曰落花生，皆嘉定有之。」